

鄢陵文獻志卷三十一

鄢陵蘇源生菊邨集

人物志九

列女

晉

明穆皇后

晉書后妃傳明穆庾皇后諱文君潁川鄢陵人也父

琛見外戚傳

文選注引王隱晉書云明穆皇后琛第二女太平御覽引晉中興書云琛第三

女未詳孰是

后性仁慈美姿儀元帝聞之聘為太子妃以

德行見重明帝即位立為皇后冊曰妃庾氏昔承明

文獻志

卷三十一

一

命作嬪東宮虔恭中饋思媚軌則履信思順以成肅

離之道正位閨房以著協德之美朕夙罹不造熒熒

在疚羣公卿士稽之往代僉以崇嫡明統載在典謨

宜建長秋以奉宗廟是以追述先志不替舊命使使

持節兼太尉授皇后璽綬夫坤德尚柔婦道承姑崇

棗盛之禮敦螽斯之義是以利在永貞克隆堂基母

儀天下潛暢陰教鑒於六列考之篇籍禍福無門盛

衰由人雖休勿休其敬之哉可不慎歟及成帝即位

尊后曰皇太后羣臣奏天子幼沖宜依漢和熹皇后

故事辭讓數四不得已而臨朝攝萬幾后兄中書令

亮管詔命公卿奏事稱皇太后陛下咸和元年有司
奏請追贈后父及夫人母邱氏后陳讓不許三請不
從及蘇峻作逆京都傾覆后見逼辱晉書成帝紀云蘇峻反突入太后後宮左右侍人皆見掠奪遂以憂崩晉書成帝紀云咸和三年三月景子皇太后庾氏崩
時年三十二后卽位凡六年其後帝孝思無極贈琛
驃騎大將軍太平御覽引晉中興書云贈琛車騎將軍儀同三司母邱氏
安陵縣君太平御覽引晉中興書云封安陽縣君從母荀氏永甯縣君
太平御覽引晉中興書云封永宣縣君何氏建安縣君亮表陳先志讓
而不受

孝庾皇后

文獻志

卷三十二

二

晉書后妃傳廢帝孝庾皇后諱道憐潁川鄆陵人也

父冰自有傳初爲東海王妃及帝卽位立爲皇后晉書

海西公紀云興甯三年七月壬子立皇后庾氏太和六年崩葬於敬平陵晉書

海西公紀云泰和元年五月戊寅皇后庾氏崩姚靚后妃表註云傳作六年誤太平御覽引晉中興書云

夫人無子宋書禮志云庾氏帝廢爲海西公追貶后

曰海西公夫人晉書簡文帝紀云咸安二年夏四月追貶庾氏曰夫人太元九

年海西公薨於吳又以后合葬於吳陵

樂氏荀氏

晉書庾袞傳庾袞前妻樂氏繼妻荀氏皆宦族富室
及適袞俱棄華麗散貲財與袞同安貧苦相敬如賓

荀氏

新纂荀氏太尉庾亮妻善正行篆隸唐李嗣真以九品衡量古今書人第其品在止之下云

本李嗣真後書品

庾氏

新纂庾氏侍中茂女字姚歸譙國桓沖為繼室子修少為從兄元所侮言論常鄙之修深憾焉元將篡位修欲因元在母所襲之庾氏云汝等近過我餘年我養之不忍見此行事修乃止

本世說新語注引桓氏譜及晉安帝紀

桓氏

新纂桓氏字女幼譙國龍亢人桓温弟豁之女也適

文獻志

卷三十二

三

鄢陵庾叔宣咸安元年温惡庾宗強陷庾倩庾柔以武陵王黨殺之希聞難逃叔宣父友小字玉臺當伏誅子婦桓氏徒跣求見温闈人禁不納桓氏云是何小人我伯父門不聽我前因突入號泣請曰庾玉臺常因人腳短三才當復能作賊不温笑曰婿故自急遂原玉臺一門

本世說新語並注引庾氏譜晉中興書

唐

崔樞妻

趙璘因話錄崔樞夫人治家整肅貴賤皆不許時世

教

五代

袁氏

十國春秋楚武穆王德妃袁氏衡陽王其所生也有殊色見寵於武穆王累封德妃文昭王心怨衡陽王先立龔位日頗督責於衡陽王母弟希旺且不爲德妃禮德妃憂憤無所出久之先希旺薨

華氏

十國春秋楚武穆王夫人華氏希杲母也希杲鎮桂州有善政文昭王疑忌之夫人內懼願削封邑贖子罪王謬爲慰藉而心實不善也未幾夫人卒希杲竟

文獻志

卷三十二

四

不良死

彭氏

十國春秋楚文昭王順賢夫人彭氏父珩任唐吉州刺史梁開平末爲吳所敗遂攜衆奔郴衡武穆王厚遇之表領郴州且爲文昭王娶其女文昭王繼立彭氏遂封秦國順賢夫人天福二年薨夫人貌雖陋而治家有法文昭王頗嚴憚之及沒後王始縱意聲色爲長夜之飲國事遂至中衰

苑氏

新纂苑氏桃源人楚王馬希萼妻也氏素有賢行廢

王時馬希萼調朗州丁壯爲鄉兵且造戰艦將攻潭州氏諫曰兄弟相攻勝負皆爲人所笑希萼不聽已而王贊等大破朗兵於僕射河希萼輕舟遁歸夫人泣曰禍將至矣余不忍見也赴井而死本十國春秋

馬氏

十國春秋南漢高祖劉龔皇后馬氏楚武穆王女也貞明初高祖迎后於楚楚使王弟存送之優禮有加后既歸嶺南高祖改元乾亨稱越帝封后爲越國夫人明年更國號曰漢三年冊爲皇后大有七年殂

馬氏

文獻志

卷三十二

五

十國春秋錢傳璠一作璠吳越武肅王錢鏐第十四子官

湖州刺史進太傅封新安侯天寶十四年娶楚武穆王女馬氏未幾傳璠死馬氏奮不欲生天福中南漢主命侍郎盧膺偕楚使歐陽練來逆馬氏爲繼室蓋漢主后故馬氏女兄也至是欲續舊姻楚文昭王實內主之馬氏涕泗迸至誓不再適遂終其身於吳越

宋

冉氏

新纂冉氏職方員外郎宗閔之女工部侍郎崔立之妻也淑行純德宗族師法門內之助肅然以和封仁

壽郡君先立亡年六十六

本韓琦安陽集

程氏

新纂程氏尚書比部員外郎崔公孺妻也柔順而正
內治以修以夫貴封安福縣君

本安陽集

崔氏

新纂崔氏工部侍郎立之長女也少而賢淑年十九
適成都杜昉事舅姑至孝姑福昌君以嚴嗃治內人
不堪其勞而氏奉順惟謹諸姑方年少頗加譖訴而
氏引咎不較及其出適罄奩橐以資之有喪夫而歸
者撫之彌厚福昌君感疾累年手足不能自舉飲食

文獻志

卷三十二

六

盥櫛俾氏代為之未嘗有倦色及居喪哀毀逾禮歲
時祭祀必親具薦羞極於精潔平居好讀經史既曉
其義終身行之間為詩歌有清思善教諸子均其撫
養人莫知其有嫡庶焉以昉官比部員外郎封萬年
縣君改封壽安晚年又以季妹為相國韓公元妃恩
加冠帔時內外姻族多以華侈相尚獨氏布素自若
右左或羞之氏曰婦人之服當視夫之爵秩豈宜過
奢自取失禮耶既寢疾謂諸子曰吾其終乎吾所遺
汝曹者清白孝謹而已無他物也遂卒年七十二

本范

純仁忠
宣集

崔氏

新纂崔氏工部侍郎立次女也適封邱趙宗道以宗道官祠部郎中知蔡州封安平縣君事舅姑盡孝待宗族以禮柔懿之行親黨稱之先宗道卒

本安陽集

崔氏

新纂崔氏工部侍郎立之四女也柔靜端潔幼有成德年二十一歸安陽韓琦事姑胡氏能盡婦道姑寢疾躬侍湯劑夙夜不懈姑亡號慕以奉几筵終喪無違禮韓氏內外族屬多而素貧孤遺者衆氏極意存育常若不及親爲婚娶者幾二十人雖罄竭家貲不

文獻志

卷三十二

七

顧也躬履儉約恬然無欲服用麤備不求過飾琦未參大政之前俸尙薄久官京師氏雖一釵之微未嘗在首時質緡錢以濟諸親琦每賑給宗族暨周人之急氏必欣然贊助惟恐不充治家嚴明事無細大處治皆有法度閨門之內猶宮府然凡歲時祖宗之祀氏必先朝嚴辦纖細精至酌薦之日禮極恭恪如是者三十餘年六親師服之父母亡摧毀過甚幾不能生圖像嚴事至於終身與諸姊諸弟友愛敦篤情禮兼至雖在顛沛未嘗忘也始封壽安縣君進安康郡君安康樂安二郡夫人安國夫人嘉祐七年卒仁宗

與中宮聞之皆遣尙宮臨奠賻贈有加氏介謹純直待人至誠平生無一妄言善書札體法甚老無婦人氣格好讀史概知歷代興亡治亂之事時作篇章有理致然以爲非婦人之事雖至親不得見臨事取捨剖斷有大丈夫所不能爲者嘗曰我遇小事則膽薄多驚若處大事知義所在雖死不怖也平居散施左右必與下房者均琦嘗怪問謂宜少有差等氏曰我性好平不欲使人見有輕重厚薄疾雖久而視家事不倦待宗親益周琦嘗勸譬之謂非頤養之理乃慨然曰此吾平生所存豈至此可變耶唯死然後不爲

文獻志

卷三十二

八

也其用心如此五子長忠彥官至右僕射兼門下侍郎封儀國公次端彥右贊善大夫次純彥徽猷閣直學士粹彥官至龍圖閣學士嘉彥尙神宗女齊國公主拜駙馬都尉終瀛海軍承宣使

本安陽集參宋史

元

祝氏

新纂祝氏胡用璋妻修身理家有懿則其智識德量過人遠甚畜馬有夜盲者僮擅面謾市人取直以媚主遽叱還其直且謝曰僮不以質言而輒汝給吾不忍也以孫彝貴贈魏郡夫人

本馬祖常撰胡魏公墓碑

王氏

新纂王氏贈魏郡公胡景先之妻河南江北行中書省參知政事彝之母也世爲鄆陵人父貞伯始遷安陽兄穀由地官屬出主襄陽穀城二縣簿氏在父母家時雖鍾愛於其親而食與衣常後於兄嫂及歸胡氏事夫持婦道終其身無懈容親紡績組紉之工弗好世之侈靡華飾以儉以勤相家政卒能有成慈睦仁祥族姻庇之生二子長彝次規彝甫壯氏謂夫曰是兒穎悟可早令就學也遂求經師講先王禮樂詩書之義善屬文未冠令聞日著起家爲大都儒學錄

文獻志

卷三十二

九

大都四方髦俊輻湊於是彝學益碩大名益光顯省臺交薦於上歷監察御史右司都事左司員外郎工部侍郎閭里以爲榮而卒不見其喜彝官歸以貧賈不足於養爲憂乃欣然曰此吾所以教子也彝居父艱服除浹月卽拜陝西行臺治書侍御史使者及門致禮意敦請彝以侍母養爲辭氏曰西臺臨四省四憲朝廷倚爲重地且秦中歲饑是辭豈義之急病讓夷者而忘爾父之訓耶彝遂行至順元年六月六日

卒累贈魏郡夫人

本馬祖常撰墓誌參胡魏公墓碑

明

張氏

經志張氏邑民榮源妻生子衮二歲源卒張年二十三翁姑皆老家貧甚有勸其改適者張泣曰親老子幼有他志養育奚賴不聽紡績自給養老送終撫衮成立年踰六十終景泰四年知縣康健上其事旌之

劉氏

經志劉氏贈尙書海女生員曹詔妻也詔入太學挈家寓京師偶出郊遇盜被戕行者持詔衣過其門劉氏識之痛絕復甦遂昇詔至號舍親舐血以殮攜幼子金扶櫬歸葬誓守節截髮毀容不履戶闕里人欲表其節劉輒泣止之曰吾志也豈市寵耶嘉靖八年知縣馮霄始上其事詔旌表之

程氏

新纂程氏贛州同知鶴長女封君陳銓妻也性貞靜柔順多奇識及歸銓鶴適轉任嘉興戒行舉囊篋餘資悉留付氏及鶴卒官幼子天爵扶柩還氏悉付與曰此吾父所寄以待汝者汝今長矣可以守此鄉人稱義其事與銓相敬如賓垂老無閒言居恆勤苦自勵年雖逾耆不廢女紅嘗誦女誡及列女傳以爲家訓動有矩度庭除肅然鄰有黃生者嘗云吾居此三

文獻志

卷三十二

十

十年未嘗見陳夫人窺門戶其推重於鄉如此以子溥貴封安人

本賈詠南塢集

王氏劉氏

劉志王氏牛萃妻劉氏邑民錢女俱正德七年奏旌

貞烈

孫氏王氏

劉志孫氏監生牛萃妻王氏生員鄭誥妻知縣馮霄

申請督學旌表

徐氏周氏

劉志徐氏范湖妻周氏生員劉古妻

蒙按徐氏周氏舊志不詳其事

文獻志

卷三十二

十一

今仍之

程氏

新纂程氏刑部尚書劉訥妻也父鶴嘉興同知氏年十五歸訥生子數不舉卽懇告舅姑納司氏充側室生子巡並二女氏撫育不啻己出姑王性嚴氏惕心抑氣力求順承覘姑色弗懌卽跪伏請罪莫敢仰視姑憚始懌姑病痿事之益謹凡湯藥類梳温扇吮摩扶抱抑搔拭掃便液百繁細者悉身任之不以委諸婢嘉靖癸巳姑卒氏竭心俱具哀毀異常比垂老談及姑事猶對人流涕云訥再入棘寺三入比部操法

筆每當朝出氏必從容屬曰民命至重惡可殛疑獄不可不矜一夕有女奴咎宜箠氏故參問不便箠詎怪曰何若是瑣屑氏曰倘失手則彼誣將誰與訴詎悟益詳慎掌刑名歷十餘年多所平反未聞有誤害民命者嘉靖乙巳誥封淑人庚戌詎被譴歸角巾野服沒齒不肯變氏亦解其所御金簪珥沒齒不翟冠霞帔或勸之則正色沮曰夫旣編氓使妻孥榮艷禮乎性仁孝正德王申流賊陷鄆兄程天爵死難天爵子佑尋殂父鶴遂不祀氏歲時修父墓且以義立主奉之別室而蒸嘗焉嘉靖戊戌歲大祲餓殍相望氏

文獻志

卷三十二

三

憫惻給粟施棺里巷賴以全活無算而齟齬亦鮮暴露矣嘉靖己未詎卒氏哭之喪明又三年卒年七十

八

本石孔山人集

黃氏

新纂黃氏幼聰慧及笄歸劉訢爲室訢父璟官刑部尚書正德辛未春璟歸田逾歲邑有流賊之變勢猖獗攻城迫甚家人業已瘞金帛引去氏謂夫曰城陷賊必先掠吾家賊志在金帛索之不獲禍且叵測乃盡指其所私瘞者而去卽夕城果陷賊突入執璟及訢廣索金帛屋宇盡焚訢乃引之瘞所賊獲所需乃

釋璟及訖賊退璟泣謂其姑王曰吾父子蒙大難賴黃婦所瘞金帛得免後王復以服飾賜之曰報爾曩日免難耳氏泣辭第受兩壓髮自茲人益敬重稱賢嘉靖改元翁璟薨蜡月境內有劇賊作亂僉以兵燹弗利於柩卒然計無所出氏贊夫藏柩地下人許其智辛卯孟冬夫卒氏率諸子慎終以禮克襄大事治家嚴而有法下逮臧獲無不感恩姑王喜慰云吾兒雖早世幸有此賢婦也氏性仁慈稍有餘貲卽賜恤姻屬之貧其無居者各以宅一區處之佃傭貧死罔不惠以棺木歲大禋嘗設米粥救困窮託其兄黃祿

文獻志

卷三十二

三

主焉賴以全活甚衆服食器用恆從簡約羣兒中服御有頗奢卽面斥改之卒於嘉靖三十一年年六十

四

本陳文
岡集

趙氏

新纂趙氏散官趙鏗長女儒士賈湖妻夫早喪以貞

節聞學道移檄表樹其門

本陳文
岡集

陳氏

開封府志陳氏少參溥孫女廬江令軒尙朱次子載妻也年十四歸載十五生子驥載亡以死決者數已嘆曰死易耳如遺雛何盍共存之撫養教訓備極諸

難驥弱冠補邑庠年三十復不祿遺子裕仁甫二月
陳恩勤如撫驥裕仁亦補邑庠撫孤二世茹苦一生
巡按旌之

孫氏

新纂孫氏散官梁時萬妻時萬早卒氏事姑王宿肉
貳膳曲盡膏薌之節姑王晚病目眚氏孀居食貧奉
養二十年委曲周至姑以是無失明苦氏斷葷茹素
年屆古稀端坐而逝子金封郎中孫策官至陝西按
察司副使

本鄭二陽
益樓集

張氏

文獻志

卷三十二

古

經志張氏梁玉妻玉高才年十五卽補邑弟子員久
之不得志放於酒死遺孤範甫四齡家貧姑孀張偕
諸妯入事姑以婦代子退課兒以母兼父貞靜肅穆
獨處一室歷六十年年九十五終

陳氏

施志陳氏張大正妻正卒陳年十六伯氏爲其年少
家貧欲令改適陳矢志不貳伯氏嘗恚曰家常喫飯
用一根菜從何處來陳卽誓不喫菜惟麤糲自給而
已遺腹生子萱左手提孤右手紡績形影相弔撫子
成立壽七十八

馬氏楊氏

經志馬氏韓賀妻賀卒子應期甫一歲馬年十九守節撫孤操作勤苦終身不倦巡按金特旌其門壽七十二終應期妻楊氏奉姑尤孝姑病楊割股療之姑病得瘥人稱一門節孝

劉氏

開封府志劉氏許州焦希禮妻鄆陵大司寇劉公姪孫女萬厯閒適希禮甫六歲而希禮故姑老子幼仰事俯育無不周至有奪志者毀容謝之壽逾七十卒

杜氏

文獻志 卷三十二 五
經志杜氏梁可繼妻繼以名諸生早亡杜年十九盡以分產歸夫兄獨撫二女居鍼黹外未嘗預他事其所居庭草不除窄徑才通人跡卽諸妯不數見也嘗有茶竈十三年堊色如新貞潔如此巡按徐一范遣官拜於庭年七十一卒

鄭氏

經志鄭氏常希臯妻歸常二載而孀年十九一女才八月誓死堅守聽姑四分其產鄭仰事孀姑俯育孤女內外肅然冰蘖之操四十年如一日有司表其門

周氏

新纂周氏麻哈知州鄭友諒妻也夫兄爲怨家齟齬
麗於辟氏佐夫傾橐以救無德色舅卒事姑盡孝撫
猶子如子性忍讓有侵犯者遜詞謝之子二陽爲德
安推官訓以寬和不使輕扶一人終德安任所全活
不下數百人生平無綺紈之飾年登上壽敲針引紉
女紅不輟有魯敬姜之風焉年八十二卒以次子二
陽官安慶巡撫贈恭人

本姚希孟撰墓誌

郭氏

經志郭氏生員劉製妻幼喪母年十二童養於劉十
六合香製卒遺子三品仙四歲品儁三歲品侗僅六
月強宗悍族思假差徭以奪其產者踵相接郭含詭
茹辛卒無失墜仙儁皆補邑庠孀居四十年崇禎壬
午八月卒壽七十九歲

張氏

施志張氏祁州知州韓凌霄妻居宦室如寒素夫卒
以義方訓子一女適尙書梁廷棟封夫人子光射光
庭俱食邑餼遭舅姑喪齊衰三年不見齒妾子光昇
待如己出年一百三歲邑令旌其門

閻女

韓維垣靜觀堂集烈女閻氏涓川游里民間可章次

女也天性淑慎能以禮自持許字鄆陵古鄆城張姓未嫁崇禎乙亥流寇至豫省蹂躪郡縣烈女年十七恐賊猝至游里爲所犯豫將上下衣密縫爲一已而賊薄其邨落烈女蒼黃抱幼弟心保奔竄蘆荻中賊搽獲之欲攜之去烈女罵不絕口賊恐嚇百方其志愈堅罵愈亟賊怒殺之越一夕家人得其尸埋於死所而心保無恙後成立懷念姊德歲時祭掃其墓云

陳氏張氏

施志陳氏張天政妻崇禎乙亥八月賊掠鄆陵夫妻同匿草閒賊搽獲政索金不得被殺陳卽奮出痛罵賊怒並殺之女張氏王裁縫妻崇禎辛巳闖賊破城擄裁縫去張誓必死子二歲公姑慰之不聽使嬖倖之乘閒自縊人稱母女雙節

劉氏

經志劉氏牛之錦妻年十八有姿儀流寇逼其廬欲掖之去劉厲聲罵曰我良家婦豈從賊耶任汝磔吾賊怒殺之

劉氏

新纂劉氏扶溝生員劉澤灝女鄆陵常錫允妻也崇禎十四年闖賊至鄆氏適歸甯於扶聞變之鄆中途

遇賊被執逼之行不從遂殺於李家集木經志參扶
經志云崇禎壬午闖賊破城劉被執不屈罵賊死之
扶溝志云死於李家集疑得其實至闖賊破馮在崇
禎十四年扶溝志云
在崇禎十五年誤矣

呂氏

經志呂氏吳全綱妻

蒙按河南通志作吳金綱誤矣

夫妻年六十餘

好行善流寇掠馮入其舍拷綱金慘甚呂不忍見願代夫死賊殺呂而仍不釋綱已而賊中有識綱者曰此善人也既殺其妻勿害其夫其夫綱得不死

張氏

開封府志張氏常希顯妻崇禎甲申夫婦避難河北

文獻志

卷三十二

六

柳園賊猝至顯急避張匿不得賊逼之使隨張詈曰甯死河干不願生以污吾夫也身被數鎗而死

梁氏

施志梁氏生員韓斗霄妻少嫻內則年二十七孀四子長數齡少僅數月氏翦髮矢志丁姑艱襄事盡禮值亂氏保身護子始終無失年七十五終子逢吉以理學稱

孫氏

施志孫氏生員于文彥妻彥亡翁姑老且病又遭凶年氏竭盡心力事親撫孤始克保全壽九十三終

韓氏高氏

施志韓氏高氏俱劉門婦宓齊邨人夫名失傳二氏生平周濟困窮鄉人德之立二節婦祠至今猶存韓之子化麟高之子四愛見碑記

劉貞姐

施志劉貞姐望田鎮生員國柱女許字某未嫁夫死有媒至女聞而泣常夜密縫體上衣自縊死

文獻志

卷三十二

九

